

En la China vegnan cumprads ils pli blers Audis

Campionadis mundials da skis

DA GION NUTEGN STGIER / ANR

■ Ina occurrenza internaziunala sco ils Campiunadis mundials da skis cun in preventiv da 65 milliuns francs è be da realisar cun fermes sponsurs. Sponsor principal da l'occurrenza da skis a San Murezzan è il concern dad autos Audi. Oz èsi uschia che mintga occurrenza, saja quai in campiadis mundial, naziunal, chantunal ubain regiunal è strusch realisabel senza fermes partenaris. Quai vala dentant er per in concert pli grond da mintga chor, per ina festa da musica ubain da chant e per in event pli simpel

per ils Audis A4 e Q7. Sulet da l'Audi model Q7 èn vegnids cumprads il 2016 gist 100 000 tocs.

Ina svieuta annuala da 59 milliardas euros

Sco gia menziunà èn il 2016 tuttina 1,8 milliuns automobilists sa decidids da cumprar in auto marca Audi. En Europa èn vegnids vendids 800 000 Audis ed en cumparaziun cun l'onni avant èn quai 7,6% dapli. En Svizra èn vegnids cumprads l'onni passà 32 000 autos da la marca Audi. Numer in quai che pertutga la compra dals autos da la Germania è la



Las damas d'onur accompognan ils stars da skis sin il podest suenter las cursas.

MAD

Bellas damas per las ceremonias

La Swiss e San Murezzan 2017

DA GION NUTEGN STGIER / ANR

■ Partenaria dals Campiunadis mundials da skis è la societad aviatica Swiss. A San Murezzan porscha la societad in vast program che vegn stimà dal public. Ultra da quai èn las damas da la Swiss adina preschentadas tar las rangaziuns a Salastains, paucas minutas suenter la fin da las cursas. Cuntent avant ils Campiunadis mundials da skis è stà a l'eroport da Turitg bler traffic cun sa platgar ils aviuns cun ils stars da skis da l'entir mund. Intgins dad els han alur cuntinuà lur viadi cun il sgol da Turitg a Samedan. Er sin quel eroport è il mument pulit traffic cun sa platgar blers aviuns privats e da quels che vegnan cun blers visitaders che vulan guardar las cursas a la Corviglia. Mintga di a Salastains èn er la uschenumnadas Flight Attendants, quel-

nisaziun aviatica, avain nus vuli savair dapli da la Swiss.

Losch da la collavuraziun cun la Swiss

Sco societad aviatica da la Svizra saja in privilegi dad esser da la partida a quels Campiunadis mundials da skis, punctuescha Müller. L'occurrenza internaziunala saja ina buna plattforma da sa preschentar ad in grond public. Cuntent cun la Swiss sco partenaria è er Hugo Wetzel, il president dal comité d'organisaziun da l'event da skis en l'Engiadin'Ota. El saja fitg losch da quella collavuraziun cun la Swiss, quai che conferma che la societad aviatica prenda serius il sport d'enviern e cuntent il sport da skis, menziuna Wetzel.

100 destinaziuns en 46 pajais

La «Swiss International Air Lines», la societad aviatica da la Svizra, sgola davent da Turitg e Genevra mundial gist en 100 destinaziuns e quai en 46 pajais. Cun ses 95 aviuns transportescha ella en in onni 16 milliuns

passagiers. Ultra da quai sgola la Swiss er bler material dad in lieu a l'auter e quai fa ella cun sgular en 130 destinaziuns ed en 80 pajais. Il servis, la qualitat e la punctualitad da la Swiss èn enconuscents sin l'entir mund uschia che la societad tutga tar ina da las pli popularas d'asper la «Singapur Air Lines». L'onni passà ha la societad fatg ina svieuta da tsching milliardas francs.

8564 emploiads

Sin l'entir mund lavuran 8564 umens e dunnas per la Swiss e da quel dumber èn 4000 Flight Attendants. Intgins dad ellas èn il mument a San Murezzan per adina esser da la partida a la cerimonia da las flurs en l'arrivada a Salastains. Suenter mintga cursa accompognan las bellas damas ils victurs e las victuras da las medaglias fin tar il podest. Quai saja in mument singular en lur vita professionala, han ditg las damas d'onur. Bel saja bain stà da pudair far quai en preschientscha da Wendy Holdener, Michelle Gisin e lura er Beat Feuz, raquintan las dunnas en vestgids elegants.



Skiunzas e skiunzas che fan ina medaglia vegnan manads al lieu da rangaziun cun in Audi e quai en la color da la medaglia fatga tar las cursas.

FOTOS MAD



Ina vaira show dals pilots da la Swiss e da la Patrouille Suisse la davosa fin d'emna a San Murezzan.

en mintga regiun. I dovra sponsurs generus, pertge be cun las entradas da las occurrenzas è ina realisaziun na pli pussaivla. Quai è er il cass tar ils Campiunadis mundials da skis nua che la FIS ed ils organisateurs han cun Audi in partenari serius. Il concern dad autos è il sponsor principal e vitiers vegnan anc otg auters sponsurs che sustegnan l'occurrenza cun bellas summas. A l'ur da las cursas avain nus gi la chaschun da discurren cun Iris Altitg, ella che segna tar Audi per las medias.

En in onni vegnan vendids 1,8 milliuns Audis

La Audi SA occupa sin l'entir mund 85 000 personas e da quella summa lavuran 60 000 en Germania, il pajais principal da la produziun dals autos marca Audi. La sedia principala sa chatta ad Ingoldstadt, ina citad en la Baviera cun rund 130 000 abitants. Il concern è reschentà en 16 lieus sin l'entir mund e quai en 12 pajais. L'onni passà ha Audi vendi en tut 1,8 milliuns autos, quai ch'èn 3,8% dapli che anc il 2015. Quel augment saja d'attribuir al grond interess

China. Il 2016 han ils Chinois cumprà stgars 600 000 Audis, quai ch'è in augment da 3,6%. La svieuta annuala 2016 giascha tar Audi tar 59 milliardas euros cun in resultat operativ da 4,8 milliardas euros.

Sponsur da 15 teams naziunals da ski

Dapi onns è Audi er il sponsur da la FIS, la Federaziun internaziunala da skis. Il concern tudestg sustegna però vitiers er anc finanziaimain 15 equipas naziunals da skis e tranter auter er la Svizra. Audi è lura er il sponsur principal dal cader naziunal da skis da la Germania. Insumma è il sport da skis quel sport che la firma mundiala sustegna il pli ferm. Cefras na vegnan dentant publicadas naginas, quei ch'è er il cass tar il sponsoring dals Campiunadis mundials da skis a San Murezzan. Audi è lura er anc in sponsur dals clubs da ballape Bayern, Barcelona, Milan e Real Madrid. Dal reminent, ils quatter rintgs ch'èn gia dapi decennis la marca dad Audi signifitgeschan la fusiun da quatter firmas dad autos en Germania ils 25 d'avrigl 1910.

FOTO DAL DI

Er els èn svelts sin la naiv

(anr/gns) Dumengia han gi lieu a San Murezzan las emprimas cursas da chavals. Gia per la 78avla giada è stà sin il program il «White Turf». Quai è l'occurrenza nua che la prominenz sa mussa gugent e nua ch'i vegn bavi scham-

pagn sco quai che in da nus baiva aua. Malgrà ils Campiunadis mundials da skis han tuttina 9000 personas persequità las emprimas cursas dumengia. 60 chavals e lur chavalgiaiders han combattì per plazs da podest e per pretschs en

pulitas summas. Da preschent ha il lai da San Murezzan ina rasada da glatsch da 60 cm e cuverta è quella cun 20 cm naiv. Anc restan per ils amis dal «White Turf» duas dumengias per sa mussar da lur vart gloriosa.



San Murezzan ha en in enviern 360 occurrenzas ed ina da quellas èn er las cursas da chavals.

FOTO A. METTLER